

producir emisións dos ditos instrumentos de débeda negociables desde o 1 de marzo de 2002.

Se un Goberno ou entidade asimilada, actuando en calidade de organismo público ou cuxa función estea recoñecida nun tratado internacional, de acordo co disposto no anexo da Directiva 2003/48/CE, efectuase outra emisión dos instrumentos de débeda negociable antes mencionados a partir do 1 de marzo de 2002, as rendas derivadas do conxunto da emisión, xa sexa a emisión orixinaria ou as sucesivas, consideraranse suxeitas ao fornecemento de información previsto no capítulo V deste real decreto.

Se un emisor non recollido no parágrafo anterior efectuase outra emisión dos ditos instrumentos a partir do 1 de marzo de 2002, soamente respecto desa emisión posterior consideraranse as rendas derivadas deses valores suxeitas ao fornecemento de información previsto no capítulo V deste real decreto.

2. O establecido no número anterior cesará na súa vixencia o 31 de decembro de 2010.»

Disposición derradeira única. *Entrada en vigor.*

1. O disposto nos números un, dous e cinco do artigo único entrará en vigor o día seguinte ao da súa publicación no «Boletín Oficial del Estado».

2. O disposto nos números tres, catro e seis do artigo único entrará en vigor o día 1 de xullo de 2005 e aplicarase a todas as rendas suxeitas a fornecemento de información que se paguen ou aboen a partir da dita data.

Mediante orde do ministro de Economía e Facenda poderá modificarse a referida data de entrada en vigor, para acomodalala á eventual nova data que se fixe conforme o disposto polo número 3 do artigo 17 da Directiva 2003/48/CE do Consello, do 3 de xuño de 2003.

Dado en Palma de Mallorca o 30 de xullo de 2004.

JUAN CARLOS R.

O vicepresidente segundo do Goberno
e ministro de Economía e Facenda,
PEDRO SOLBES MIRA

MINISTERIO DA PRESIDENCIA

15197 *CORRECCIÓN de erros da Orde PRE/1422/2004, do 20 de maio, pola que se modifica o anexo do Real decreto 465/2003, do 25 de abril, sobre as substancias indesexables na alimentación animal. («BOE» 99, do 18-8-2004.)*

Advertido erro no texto remitido para a súa publicación da Orde PRE/1422/2004, do 20 de maio, pola que se modifica o anexo do Real decreto 465/2003, do 25 de abril, sobre as substancias indesexables na alimentación animal, inserida no «Boletín Oficial del Estado», suplemento número 7 en lingua galega, do 1 de xuño 2004, procédese a emendalo mediante a seguinte rectificación:

No número 2, relativo ao chumbo, (para o carbonato cálcico), onde di: «2», debe dicir: «20».

MINISTERIO DE SANIDADE E CONSUMO

15198 *ORDE SCO/2797/2004, do 28 de xullo, pola que se modifican os anexos I e II do Real decreto 90/2001, do 2 de febreiro, polo que se establecen os métodos de toma de mostras e de análise para o control oficial do contido máximo de aflatoxinas en cacahuets, froitos de casca, froitos desecados, cereais, leite e os produtos derivados da súa transformación. («BOE» 199, do 18-8-2004.)*

O Regulamento (CE) n.º 2174/2003, do 12 de decembro, que modifica o Regulamento (CE) n.º 466/2001, polo que respecta ás aflatoxinas establece, entre outros, límites máximos de aflatoxinas en millo destinado a ser sometido a un proceso de selección ou outro tratamento físico, antes do consumo humano directo ou do seu uso como ingrediente nos produtos alimenticios. A regulación destes límites máximos de aflatoxinas débese á demostración, por parte das asociacións europeas do millo, de que se produce unha redución dos contidos de aflatoxinas no millo durante as operacións de selección e de tratamento físico do millo sen transformar. Aínda que non é posible avaliar cuantitativamente e con certeza o alcance que pode ter a redución do contido de aflatoxinas, dos datos facilitados polo sector despréndese que as diferentes etapas de limpadura e transformación do millo sen transformar son suficientemente eficaces para reducir os contidos de aflatoxinas dos produtos do millo destinados ao consumo humano e acadar os límites máximos establecidos para a aflatoxina en cereais e produtos derivados da súa transformación, destinados ao consumo humano directo ou a seren usados como ingredientes nos produtos alimenticios.

O Real decreto 90/2001, do 2 de febreiro, polo que se establecen os métodos de toma de mostras e de análise para o control oficial do contido máximo de aflatoxinas en cacahuets, froitos de casca, froitos desecados, cereais, leite e os produtos derivados da súa transformación, regula os procedementos de mostraxe e de análise de aflatoxinas nos produtos alimenticios citados. Non obstante, non recolle os requisitos de mostraxe e análise do millo destinado a ser sometido a un proceso de selección ou outro tratamento físico, antes do consumo humano directo ou do seu uso como ingrediente nos produtos alimenticios.

A Directiva 2003/121/CE, do 15 de decembro, que modifica a Directiva 98/53/CE pola que se fixan métodos de toma de mostras e de análise para o control oficial do contido máximo dalgúns contaminantes nos produtos alimenticios, incorpora os requisitos necesarios para a mostraxe e análise de aflatoxinas en millo destinado a ser sometido a un proceso de selección ou outro tratamento físico, antes do consumo humano directo ou do seu uso como ingrediente nos produtos alimenticios.

Esta Directiva 2003/121/CE incorpora tamén as normas de interpretación dos resultados analíticos, co fin de garantir un enfoque harmonizado de execución no conxunto da Unión Europea. Estas normas de interpretación inclúen a aplicación da incerteza da medición e a corrección da recuperación nos resultados analíticos de mostras destinadas ao control oficial.

En definitiva, faise necesaria a transposición da Directiva 2003/121/CE citada para incorporala ao ordenamento xurídico español.

Esta orde ministerial dítase en aplicación do regulado na disposición derradeira segunda do Real decreto 90/2001, do 2 de febreiro, anteriormente citado.

Na elaboración desta orde foron oídos os sectores afectados e as comunidades autónomas, tendo emitido informe preceptivo a Comisión Interministerial para a Ordenación Alimentaria.

Na súa virtude, dispoño:

1. Primeiro.—Modificación dos anexos I e II do Real decreto 90/2001, do 2 de febreiro.

Os anexos I e II do Real decreto 90/2001 quedan modificados nos termos contidos nos anexos I e II desta orde.

Segundo.—Entrada en vigor.

Esta orde entrará en vigor o día seguinte ao da súa publicación no «Boletín Oficial del Estado».

Madrid, 28 de xullo de 2004.

SALGADO MÉNDEZ

ANEXO I

1. A epígrafe 5 B) 1. d) substitúese pola seguinte:

«d) A mostra global, dun peso de 30 kg, deberá mesturarse e dividirse en tres submostras iguais de 10 kg antes da trituración (esta división en tres submostras non é necesaria en caso de cacahuetes, de froitos de casca, de froitos desecados e de millo destinados a seren sometidos a un tratamento de selección ou a outros tratamentos físicos, e de dispoñibilidade do equipamento que poida homoxeneizar unha mostra de 30 kg). Se a mostra global pesa menos de 10 kg non deberá dividirse en tres submostras. As mostras globais de especias non pesan máis de 10 kg, polo que non é necesario dividilas en submostras.»

2. A epígrafe 5 B) 2.º substitúese pola seguinte:

«2.º Aceptación dun lote ou sublote:

a) Para os cacahuetes, os froitos de casca, os froitos desecados e o millo sometidos a un tratamento de selección ou a outros tratamentos físicos, e as especias:

1.º Aceptación, se a mostra global ou a media das submostras se axusta ao límite máximo, tendo en conta a corrección en función da recuperación e a incerteza da medida.

2.º Rexeitamento, se a mostra global ou a media das submostras supera, fóra de toda dúbida razoable, o límite máximo, tendo en conta a corrección en función da recuperación e a incerteza da medida.

b) Para os cacahuetes, os froitos de casca, os froitos desecados e os cereais destinados ao consumo humano directo, e os cereais, coa excepción do millo, que vaian ser sometidos a un tratamento de selección ou a outros tratamentos físicos:

1.º Aceptación, se ningunha das submostras supera o límite máximo, tendo en conta a corrección en función da recuperación e a incerteza da medida.

2.º Rexeitamento, se unha ou máis submostras superan, fóra de toda dúbida razoable, o límite

máximo, tendo en conta a corrección en función da recuperación e a incerteza da medida.

3.º En caso de mostra global dun peso inferior a 10 kg:

Aceptación, se a mostra global se axusta ao límite máximo, tendo en conta a corrección en función da recuperación e a incerteza da medida.

Rexeitamento, se a mostra global supera, fóra de toda dúbida razoable, o límite máximo, tendo en conta a corrección en función da recuperación e a incerteza da medida.»

3. A epígrafe 5 D) 2.º substitúese pola seguinte:

«2.º Aceptación dun lote ou sublote:

a) Aceptación, se a mostra global se axusta ao límite máximo, tendo en conta a corrección en función da recuperación e a incerteza da medida.

b) Rexeitamento, se a mostra global supera, fóra de toda dúbida razoable, o límite máximo, tendo en conta a corrección en función da recuperación e a incerteza da medida.»

4. A epígrafe 5 E) 1.º b) substitúese pola seguinte:

«b) Aceptación dun lote ou sublote:

1.º Aceptación, se a mostra global se axusta ao límite máximo, tendo en conta a corrección en función da recuperación e a incerteza da medida.

2.º Rexeitamento, se a mostra global supera, fóra de toda dúbida razoable, o límite máximo, tendo en conta a corrección en función da recuperación e a incerteza da medida.»

5. A epígrafe 5 E) 2.º c) substitúese pola seguinte:

«c) Aceptación dun lote ou sublote:

1.º Aceptación, se a mostra global se axusta ao límite máximo, tendo en conta a corrección en función da recuperación e a incerteza da medida.

2.º Rexeitamento, se a mostra global supera, fóra de toda dúbida razoable, o límite máximo, tendo en conta a corrección en función da recuperación e a incerteza da medida.»

ANEXO II

1. A epígrafe 4 d) substitúese pola seguinte:

«d) Cálculo do factor de recuperación e expresión dos resultados.

O resultado analítico exprésase en forma corrixida ou sen corrixir en función da recuperación. Deberase indicar a forma de expresión e o factor de recuperación.

O resultado analítico corrixido en función da recuperación utilizarase para a conformidade do lote segundo os números 5 B) 2.º, 5 C) 2.º, 5 D) 2.º, 5 E) 1.º b) e 5 E) 2.º c) do anexo I.

O resultado analítico exprésase como X +/U, sendo X o resultado analítico e U a incerteza expandida da medida, utilizando un factor de cobertura de 2, o que dá un nivel de confianza do 95% aproximadamente.»